

✉ Re: Umsagnarbeiðni um matsáætlun

Búið til	3.12.2021 09:45:43
Höfundur	Snorri Sigurðsson
Sent	3.12.2021 09:45:42
Tilheyrir	📁 202111-0007 - Laxeldi á landi í Ölfusi - Matsáætlun - Geo Salmo ehf

Efni

Re: Umsagnarbeiðni um matsáætlun

Upplýsingar

Vinnsla

Sent	3.12.2021 09:45:42	Staða	Imported
Eigandi		Tímamörk	
Skjalalykill	42-2 Umsagnir um matskýrslur/matsáætlanir		
Lykilorð			

Þátttakendur

Frá	Snorri Sigurðsson - NI (Snorri.Sigurdsson@ni.is)
Til	Sigurdur.Asbjornsson@skipulag.is

Innihald

Góðan daginn,

Eftirfarandi er umsögn Náttúrufræðistofnunar Íslands. Afsakið að það fyrirförst að skila umsögninni í gær.

Tilvísun í mál nr. 202111-0007 (LA).

Vísað er í bréf dags. 3. nóvember 2021 frá Skipulagsstofnun, þar sem óskað er eftir umsögn Náttúrufræðistofnunar Íslands, um tillögu að matsáætlun um laxeldi á landi sem fyrirtækið Geo Salmo hyggst reisa í landi Ölfuss vestan Þorlákshafnar.

Markmið framkvæmdarinnar er að framleiða 20.000 tonn á ári af laxi með möguleika á að auka framleiðsluna í 24.000 tonn á ári.

Í tillögu að matsáætlun er gerð grein fyrir helstu þáttum framkvæmdarinnar og reksturs fiskeldisins og þeir þættir framkvæmdarinnar sem geta haft áhrif á umhverfið skilgreindir. Gerð er grein fyrir þeim umhverfisþáttum sem líklegir eru til að verða fyrir áhrifum og lögð drög að áætlun um rannsóknir og gagnaöflun.

Náttúrufræðistofnun hefur kynnt sér tillöguna og telur, með hliðsjón af hlutverki stofnunarinnar, að hún sé vel unnin þar sem hún nær yfir flest það sem gera þarf grein fyrir við mat á umhverfisáhrifum

Náttúrufræðistofnun vill koma eftirfarandi athugasemdum á framfæri um ákveðna þætti í umhverfismatinu:

- Gera þarf grein fyrir lagnaleið heits vatns og rafmagns að eldisstöðinni.
- Gera þarf betur grein fyrir hreinsibúnaði og því magni uppleystra efna sem mögulega sleppa í gegnum hann t.d. hreinsiefni, vegna lyfja- og efnanotkunar í eldisstöðinni, ásamt mögulegum áhrifum á lífríki við frárennslisútrás. Í tillögu á matsáætlun er áformuð gagnaöflun á lífríki í fjöru.
- Í tengslum við sóttvarnir á bls. 17 stendur að gerð verði grein fyrir hugsanlegum ágangi vargs og vörnum gegn honum eftir því sem við á. Hugtakið vargur er hvergi notað í lögum um villt dýr eða lögum um umhverfismat og er að mati Náttúrufræðistofnunar merkingarlaust og ætti að gera grein fyrir því hvaða dýr er hér átt við og eins þá mótvægisáðgerðum, sé þeirra talin þörf..
- Gera þarf grein fyrir áhrifum lýsingar á ásynd og myrkurgæði svæðisins.
- Gera þarf grein fyrir efnistöku og efnistökusvæðum í tengslum við framkvæmdina.
- Gera þarf grein fyrir strandrofi og mögulegum hættum á sjávarflóðum.
- Koma þarf fram í hvað miklum mæli framleiðsla eldisstöðvarinnar sé ætluð til útflutnings og áhrif þess á kolefnisspor fyrirtækisins.
- Mikilvægt er að skoðuð verði samlegðaráhrif fiskeldisfyrirtækja innan svæðisins í heild þar sem sérstaklega er gerð grein fyrir frárennslí í sjó og áhrifa vatnstöku á grunnvatnstöðu.

Náttúrufræðistofnun áskilur sér rétt að frekari athugasemdum á síðari stigum málsins.

Snorri Sigurðsson

Sviðsstjóri náttúruverndarsviðs / Head of Division, Nature Protection

.....
Náttúrufræðistofnun Íslands / Icelandic Institute of Natural History

Urriðaholtsstræti 6-8, 220 Garðabær.

Sími/Tel: (354) 5 900 500. www.ni.is (<http://www.ni.is/>)



NÁTTÚRUFRAÐISTOFNUN ÍSLANDS

From: "Sigurður Ásbjörnsson - SLS" <Sigurdur.Asbjornsson@skipulag.is>

To: "olfus@olfus.is" <olfus@olfus.is>; "fiskistofa" <fiskistofa@fiskistofa.is>; "Guðni Magnús Eiríksson - FISK" <Gudni.M.Eiriksson@fiskistofa.is>; "postur@minjastofnun.is" <postur@minjastofnun.is>; "Kristinn Magnússon" <kristinn@minjastofnun.is>; "hafogvatn@hafogvatn.is" <hafogvatn@hafogvatn.is>; "hsl@hsl.is" <hsl@hsl.is>; "Sigrún Guðmundsdóttir" <sigrun@hsl.is>; "Matvælastofnun MAST" <mast@mast.is>; "Móttaka - NI" <Mottaka@ni.is>; "OS netfang" <os@os.is>; "Umhverfisstofnun" <ust@ust.is>; "skrifstofa@vedur.is" <skrifstofa@vedur.is>; "Erna Bára Hreinsdóttir - VG" <erna.b.hreinsdottir@vegagerdin.is>; "Vegagerðin - VG" <Vegagerdin@vegagerdin.is>

CC:

Subject: Umsagnarbeiðni um matsáætlun

Date: 3.11.2021 10:12:36

Til: Sveitarfélagsins Ölfus, Fiskistofu, Hafrannsóknastofnunar, Heilbrigðiseftirlits Suðurlands, Matvælastofnunar, Minjastofnunar Íslands, Náttúrufræðistofnunar Íslands, Orkustofnunar, Umhverfisstofnunar, Veðurstofu Íslands og Vegagerðarinnar.

Geo Salmo ehf. hefur sent Skipulagsstofnun meðfylgjandi tillögu að matsáætlun um ofangreinda framkvæmd, móttekin 19. október 2021, skv. 21. gr. laga um umhverfismat framkvæmda og áætlana nr. 111/2021. Framkvæmdin felst í laxeldi á landi í Ölfusi þar sem ársframleiðsla er ráðgerð 24.000 tonn. Því fylgir m.a. mikil notkun grunnvatns.

Hér með er óskað eftir umsögn ykkar um meðfylgjandi tillögu að matsáætlun ofangreindar framkvæmdar.

Í umsögninni þarf eftir því sem við á að koma fram hvort umsagnaraðili hafi athugasemdir við það hvernig framkvæmdaraðili hyggst vinna að umhverfismati framkvæmdarinnar, út frá sínu starfssviði, svo sem um skilgreiningu valkosta, gagnaöflun, úrvinnslu gagna, umhverfismat og framsetningu umhverfismatsskýrslu. Einnig, ef á skortir, hvaða atriðum umsagnaraðili telur að gera þurfi frekari skil eða hafa sérstaklega í huga við umhverfismat framkvæmdarinnar. Leyfisveitendur skulu í umsögn sinni gera grein fyrir þeim leyfum sem eru á starfssviði þeirra og framkvæmdin er háð.

Umsögnin óskast send Skipulagsstofnun fyrir 2. desember 2021 og einnig á tölvupóstföngin: skipulag@skipulag.is (mailto:skipulag@skipulag.is) og sigurdur.asbjornsson@skipulag.is (mailto:sigurdur.asbjornsson@skipulag.is).

Athugið að umsagnarbeiðni þessi og matsáætlun sem fylgir í viðhengi er eingöngu send rafrænt.

Virðingarfyllst,

Sigurður Ásbjörnsson

Sigurður Ásbjörnsson

sérfræðingur, svið umhverfismats / Specialist, Environmental Assessment

Skipulagsstofnun - National Planning Agency

Borgartún 7b, 105 Reykjavík, Ísland - Iceland

sími 595 4100

Sigurdur.Asbjornsson@skipulag.is

www.skipulag.is

www.facebook.com/skipulagsstofnun



Viðhengi

image002.png (5 KB)

image001.jpg (9 KB)